



HO'OU LU LĀHUI
Regenerating Oceania
13th Festival of Pacific Arts & Culture
Hawai'i 2024

MO'OLELO HĀLĀWAI O KE KOMIKINA NO KA HO'OLAULE'A NO'EAU A
MO'OMEHEU PĀKĪPIKA (FestPAC)

PŌ'AKAHI, LĀ 19 'APELILA, 2021 HOLA 2:30'au

MA O KA ZOOM: 'AHA KŪKĀ MA KA WIKIŌ

Nā Lālā Komikina i kū mai:

- | | | |
|------------------------|---|--|
| Kalani Ka'anā'anā, | - | Ke'ena Kuleana Ho'okipa o Hawai'i (HTA) |
| Luna Ho'omalu | - | |
| Snowbird Bento | - | Kaiāulu (Ha'alele ma ka 3:02'au) |
| Māpuana de Silva | - | Kaiāulu (Hō'ea ma ka 2:34'au) |
| Jamie Lum | - | Ke'ena Ho'omohala Waiwai a me ka Ho'okipa (DBEDT) |
| Richard Onishi | - | 'Aha Lunamaka'āinana o Hawai'i (Hō'ea ma ka 2:36'au) |
| Makanani Salā | - | Ke Kūlanakauhale a Kalana o Honolulu |
| Hinaleimoana Wong-Kalu | - | Ke'ena Kuleana Hawai'i (OHA) |

Nā Hoa Kipa:

- | | | |
|--------------------|---|--|
| Jackie Lynne Burke | - | Kaiāulu |
| Maka Casson-Fisher | - | Ke'ena Kuleana Ho'okipa o Hawai'i (HTA) |
| Ilihia Gionson | - | 'Ahahui Ho'okipa 'Ōiwi Hawai'i (NaHHA) |
| Dede Howa | - | Ke'ena Kuleana Ho'okipa o Hawai'i (HTA) |
| June Matsumoto | - | Kaiāulu |
| Monte McComber | - | Kaiāulu |
| Aaron Sala | - | Ke Kulanui o Hawai'i/Royal Hawaiian Center |

Nā Limahana:

- | | | |
|-----------------|---|-------------|
| Margaret Ahn | - | Loio Kuhina |
| Marlene Hiraoka | - | DBEDT |
| Selma Malcolm | - | DBEDT |
| Timothy Tiu | - | DBEDT |

Nā Mihi:

- | | | |
|---------------------|---|------------------------|
| Jarrett Keohokālole | - | 'Aha Kenekoa o Hawai'i |
|---------------------|---|------------------------|

Mo'olelo Hālāwai o ke Kōmike no ka Ho'olaule'a No'eau A Mo'omeheu Pākīpika 13
Pō'akahi, 19 'Apelila, 2021 hola 2:30'aiu ma o ka ZOOM
'Ao'ao 2 o 7

HO'OMAKA

Ho'omaka ka Luna Ho'omalulu Ka'anā'anā i ka hālāwai ma ka hola 2:31'aiu ma o ke aloha 'ana aku i ka po'e ma ka ZOOM a Facebook Live.

Noi ka Luna Ho'omalulu Ka'anā'anā iā Ms. Wong-Kalu e mālama i ka wehena.

'OLELO HŌ'IKE A KA LEHULEHU

Wehe ka Luna Ho'omalulu Ka'anā'anā i ka papahana i ka lehulehu e ho'opuka mana'o no ka papahana o ka hālāwai. 'Oiai 'a'ohē mea i ho'opuka 'ia, ua ho'oholomua aku nō 'o ia i ka papahana.

'ĀPONO I KA MO'O'OLELO HĀLĀWAI, 4 'APELILA, 2021

Ka'aka'ahi 'ia ka mo'olelo hālāwai e nāhā hou 'ia e nā Lālā Komikina a nīnau akula ka Luna Ho'omalulu Ka'anā'anā i nā he mau mana'o kōkua ko kekahi no ka ho'oponopono 'ana i ia mo'olelo hālāwai nei.

'Oiai 'a'ohē mana'o i ho'opuka 'ia, noi 'o Ms. Lum lāua me Ms. Bento e 'āpono 'ia kēia mo'olelo hālāwai e like me ka mea i palapala 'ia - 'a'ohē loli.

Mālama 'ia he koho pāloka ma ke kāheha inoa a 'āpono 'ia ka mo'olelo hālāwai e ka Luna Ho'omalulu Ka'anā'anā, Ms. de Silva, Ms. Bento, ka Lunamaka'āinana Onishi, Ms. Lum, Ms. Wong-Kalu a me Ms. Salā.

Ua lōkahi lākou ma ka 'āpono 'ana i ia mana'o.

NĀ KĀNĀWAI E 'IMI 'IA ANA

Hō'ike ka Luna Ho'omalulu Ka'anā'anā i ka holomua o SB 696, ka pila ho'i e ho'olō'ihi ana i ka noho 'ana o ke Komikina a i 'Aukake 31, 2025 a 'ae aku 'o ia i nā Lālā Komikina e kūkā hou aku ma ka 'ao'ao i mea e ho'okō ai ko lākou mau kuleana i pili i ia pila nei.

Hō'ike 'o Ms. Lum no ko ke Kōmike 'Aha hui 'ana a me ka pono e 'āpono 'ia kā lākou CD1 e ho'opololei ana i ka lā i palapala mua 'ia e ke Kōmike Kuhina Waiwai. E hui hou ana ke Kōmike 'Aha ma ka Po'akolu, lā 21 o 'Apelila, 2021 ma ka hola 1:30'aiu.

Lana ko ka Luna Ho'omalulu Ka'anā'anā mana'o e 'āpono 'ia ka CD1 me ka lā pololei, 'o ka lā 31 o 'Aukake, 2025 nō ho'i. Eia hou, e ho'okomo 'ia ana nō nā mana'o i hāpai 'ia e ka OIP i loko o ke kāmua no ka 'ae 'ia o 'ehā Lālā Komikina, ma ka nui loa, e hui ma ka 'ao'ao no ka ho'olālā kūpono 'ana - me ka mana'o e ka'ana lākou i nā mea i kūkā ai ma nā hālāwai Komikina kūmau i kēlā me kēia mahina.

HŌ'IKE'IKE A KŪKĀKŪKĀ I KA PAPAHAHA HO'OLAULE'A

Kāheha ka Luna Ho'omalulu Ka'anā'anā iā Ms. Bento lāua 'o Mr. Gionson e hō'ike'ike no ia māhele.

Mahalo 'o Ms. Bento iā Mr. Salā no ka hō'ike 'ana aku i ka palapala ma ka hālāwai Komikina aku nei 'oiai 'a'ole 'o ia ma laila. Makemake 'o Ms. Bento e ho'oholo pau loa 'ia nā māhele nui ma o ke koho pāloka.

Ua heluhelu 'o Ms. Bento i ka mo'olelo hālāwai no ka hālāwai i mālama 'ia ma Nowemapa 10, 2020 a ho'omaopopo 'o ia i ka palapala 'ia ma ua mo'olelo hālāwai nei ka mana'o e ho'okō 'ia ka papahana ma ia manawa, eia na'e, 'a'ole nō i ho'opa'a pono 'ia. Eia hou, 'a'ole i mālama 'ia kekahi koho pāloka ma ka hālāwai i mālama 'ia ma Kekemapa 1, 2020 e ho'opa'a i ka papahana kekahi. 'O ia ke kumu i waiho 'ia ia kumuhana nei na Ms. Bento me kona lalo kōmike e kūkā a ho'oholomua hou aku.

Makemake 'o Ms. Bento e mālama i nā kia nui i ho'okahua mua 'ia no ka Ho'olaule'a. Ho'olele akula 'o Mr. Gionson i ke ki'i e ho'ohālikelike ana i nā kia kumu a me nā mea i ho'ololi 'ia. A laila ho'omaopopo aku 'o Ms. Bento no kāna nānā 'ana i ka wikiō a me ka mo'olelo hālāwai o ka hālāwai Komikina aku nei.

Hō'ike hou 'o Ms. Bento i ko lākou makemake e 'āpono 'ia nā māhele nui. 'A'ole lākou e nānā ana i nā lāli'i kiko'i i kēia manawa. Nīnau na'e 'o ia i nā Lālā Komikina inā ho'opa'a 'ia nō ia mau māhele nei, inā ua hiki iā lākou me kāna lalo kōmike ke holomua ma ka ho'opa'a 'ana i nā wehewehena no ka papahana. Aia nō a pa'a ia mau māhele nui nei, e hiki ana i ke Komikina ke ho'omaka i ka ho'olako 'ana i ke kālā e pono ai kekahi.

Ho'omaopopo hou 'o Ms. Bento no ka 'āpono kūhelu 'ole 'ia o nā māhele mua a no ka ho'ololi/ho'okumu hou 'ia o nā māhele e kona lalo kōmike. No laila ua kāpae 'ia kekahi 'oiai ua kūpono kona ka'a 'ana ma lalo o kekahi māhele.

Noi 'o Ms. Bento i nā Lālā Komikina e ho'opuka mana'o, me ka mana'o 'a'ole pono e lō'ihī ko lākou mana'o. Nīnau pū 'o ia i ka Luna Ho'omalū Ka'anā'anā inā he 'alemanaka a i 'ole paha inā ua ho'opa'a 'ia kekahi lā palena pau no ko lākou ho'opa'a hou 'ana aku i nā māhele a me nā wehewehena o kēlā me kēia hanana āna e no'ono'o nei.

Paipai ka Luna Ho'omalū Ka'anā'anā e mālama i kekahi koho pāloka no ka 'āpono 'ana i nā māhele nui i mea e holomua pono ai ka hana, 'oiai pono e holomua ma ka ho'opa'a 'ana i nā lāli'i e ka'a ana ma lalo o kēlā me kēia māhele nui. Na kēlā me kēia hui 'elele o kēlā me kēia kalana e hui a ho'opuka mana'o no nā kumuhana a lākou e komo ai.

Nīnau hō'oia ka Lunamaka'āinana Onishi inā ua ki'i a ho'opa'a 'ia ia mau māhele nui mai loko mai o nā mea i kūkā mua 'ia e lākou. A hō'oia 'ia nō kāna nīnau, noi akula ka Lunamaka'āinana Onishi e 'āpono 'ia ia mau māhele nei me ke kāko'o o Ms. de Silva.

Mahalo 'o Ms. de Silva iā Ms. Bento me kāna lalo kōmike no kā lākou hana mai au ma ka nā'ana hou 'ana i ka papahana o nā Ho'olaule'a o mua a laila ka ho'okumu 'ana i nā māhele kūpono me ka 'ikepili kahiko e kū ana i kēia au.

Mālama 'ia he koho pāloka ma ke kāhea inoa a 'āpono 'ia nā māhele nui e ka Luna Ho'omalū Ka'anā'anā, Ms. de Silva, Ms. Bento, ka Lunamaka'āinana Onishi, Ms. Lum, Ms. Wong-Kalu, a me Ms. Salā.

Ua lōkahi lākou ma ka 'āpono 'ana i ia mea.

KŪKĀKŪKĀ I KA HO'OKUMU 'IA O NĀ LALO KŌMIKE

Wehewehe ka Luna Ho'omalū Ka'anā'anā i ka ho'okomu 'ia o kēia kumuhana ma ka papahana hālāwai 'oiai he pili kona i ke kumuhana ma hope pono, 'o ia ho'i ka Puke Alaka'i Ho'olaule'a a me kā Guama Hō'ike 'Ano.

Makemake ka Luna Ho'omalū Ka'anā'anā e hāpai 'ia nā mana'o no ke 'ano e holomua ai nā lalo kōmike. No kona kuleana e kālele ana i ka ho'oulu kālā a me ka 'aha wehena a panina, makemake lākou 'o kāna lalo kōmike e ho'olālā a ho'okō i nā lāli'i e pili pū ana i ia mau kumuhana nei.

Noi ka Luna Ho'omalū Ka'anā'anā i mau mana'o hou aku no nā lalo kōmike.

No ka 'ao'ao pilina kanaka a ho'oka'a'ike, makemake ka Luna Ho'omalū e kono i nā kāko'o mai loko mai o HTA me NaHHA, e la'a ho'i me Ms. Marissa Yamane. I pili ho'i i ka 'ao'ao ho'oulu kālā, e kūkā ana ka Luna Ho'omalū me Ms. Lum ma ka 'ao'ao i mea e ho'opa'a ai ke kāmua o ka RFI. E lilo ana kēia RFI he lā'ana a ke Komikina e hāhai ai ma ka 'imi 'ana i ke kālā a me ke kūkulu hou 'ana aku ma luna o ka hana.

Wehewehe ka Luna Ho'omalū Ka'anā'anā no kona 'imi 'ana i nā wahi kahi e mālama 'ia ai ka 'aha wehena a panina, no laila 'a'ohe holomua ma kēlā 'ao'ao no ka manawa. Eia na'e, ke ho'opa'a 'ia ia mau wahi nei, e lilo ana nā 'elele o ua mau wahi nei he mau lālā o ka lalo kōmike a e kono pū 'ia ana nā lālā hou aku ke 'ano kokoke mai ka lā o ka Ho'olaule'a.

Wehe hou ka Luna Ho'omalū Ka'anā'anā i ka papahana no ko nā Lālā Komikina hāpai/hō'opuka mana'o e pili ana i nā lalo kōmike. Hō'ike akula 'o Ms. Lum no ka ho'okō 'ana o ko DBEDT kuleana e nā limahana o ia ke'ena nei a i ke kupu 'ana mai o kekahi mea i pili i ke kālā kāko'o e pono ai ke kōkua no waho. No ka manawa, e kauka'i nui ana 'o ia ma luna o ko DBEDT mau limahana. Hoihoi pū 'o ia e kono ia Mr. Jonathan Johnson ma SFCA no ke kōkua ma ka 'ao'ao ho'olālā 'oiai he 'ike kona ma kēia hana. E noi pū ana 'o ia iā Mr. Salā i kona mau mana'o e pili ana i ka loa'a o nā lako a kāko'o hou aku iā lākou no nā hanana o ia Ho'olaule'a nei.

Makemake 'o Ms. Salā e ho'opa'a 'ia kahi e kūkulu 'ia ai ke kūlanakauhale no ka Ho'olaule'a 'oiai hopohopo 'o ia i ka ho'opa'a 'ana i nā kia'i e maka'ala i kēia wahi nei no ka holo 'ana o nā lā he 'umi o ka Ho'olaule'a, apwa. Paipai ka Luna Ho'omalū Ka'anā'anā i ka po'e e ho'ohana i ka palapala i ho'oākaukau mua 'ia no ka ho'oholo 'ana i kēia. E ho'opihapiha ana 'o ia i nā palapala e lilo ai ka Hale Ali'i 'Iolani a me Kapi'olani Pāka he mau wahi e mālama ai ka 'aha wehena a panina. Hō'oia pū 'o ia i ka mālama 'ana i nā hanana ma ka Hale 'Aha o Hawai'i 'oiai i pa'a mua ai ke kālā no ia kumu a 'oiai ho'i ua lawa ka lumi e mālama i nā hālāwai nui, ka no'eau, a me nā mea hō'ike'ike 'ē a'e.

Hō'ike ka Lunamaka'āinana Onishi no ko lāua 'o ke Kenekoa Keohokālōle hiki 'ole ke hālāwai a i kēia 'oiāi pa'ahana lāua ma ka 'Aha'ōlelo. E hālāwai ana nō na'e lāua ma hope o kēia kau 'Aha'ōlelo.

KŪKĀKŪKĀ I KA PUKE ALAKA'I HO'OLAULE'A A ME KA HŌ'IKE 'ANO GUAMA 'UMIKŪMAMĀLUA

Ho'omaopopo akula ka Luna Ho'omalū Ka'anā'anā i nā Lālā Komikina no ka ho'ouna 'ia o ka Puke Alaka'i Ho'olaule'a a me kā Guama Hō'ike 'Ano iā lākou no ka 'ikepili hou aku a me ka nānā hou. E pono ana e nānā hou 'ia ka Puke Alaka'i Ho'olaule'a a hō'oiā i ka launa iā lākou ma Hawai'i a i 'ole paha, inā ua pono e ho'ololi 'ia. E pilikia ana nō ko Hawai'i me nā kāmāwai palena 'āina, nā kāmāwai i pili i ka halihali mea kanu, apwa. 'oiāi 'oko'a ko kākou mau kāmāwai mai nā 'āina 'ē a'e o ka Pākīpika.

Hō'ike pū ka Luna Ho'omalū Ka'anā'anā i ka ho'onoho 'ole 'ia o ke po'o no ka Ho'olaule'a a i kēia. Hō'ike 'o Ms. Salā i kona hopohopo i ka ho'onoho 'ole 'ia o ke po'o a nīnau 'o ia inā ua 'imi 'ia kekahi e 'auamo i kēia kuleana. Noi ka Luna Ho'omalū Ka'anā'anā i ka ho'opuka mana'o no kēia, a hō'ike pū 'o ia i ka loa'a 'ole o ke kālā iā lākou e uku i kēia kūlana nei. Eia na'e, he ko'iko'i ia kūlana nei no ka holo pono 'ana o ka ho'olālā a ho'oholomua hou 'ana aku i kēia 'ano ho'olaule'a. 'Ike 'o ia he kūlana hana manawa piha kēia e ho'omaka ai ka hana he 'elua makahiki ma mua o ka Ho'olaule'a. Eia hou, he ko'iko'i ko lākou kālele 'ana ma ka mo'ohelu kālā a me ke noi kālā. Loa'a pū nā 'ao'ao ko'iko'i hou aku e mālama ai, e like ho'i me ke ke'ena pono kāmaka, pilina kāmaka, ka palekana, apwa. Eia na'e, inā 'a'ohē po'o, e 'oi aku ana ka papaha o ka helele'i 'ana o nā lāli'i no ia mau mea a pau.

Kāko'o 'o Ms. Lum i ka nui ko'iko'i o ka ho'onoho 'ia o ke po'o he 'elua makahiki ma mua o ka Ho'olaule'a a me ka pono e uku 'ia ia kanaka nei. Hāpai a'ela 'o ia i ka mana'o e hai 'ia kekahi 'elele mai kekahi o nā mea kāko'o, e like me ke 'ano i ho'onoho 'ia nā po'o o nā 'oihana 'auhau 'ole, a ho'onoho 'ia ia kanaka nei no ka holo 'ana o ka wā e ho'olālā a ho'opa'a ai ka Ho'olaule'a.

Hāpai a'ela ka Luna Ho'omalū Ka'anā'anā i nā koina AmeriCorps VISTA kekahi. Makemake pū 'o ia e komo nā 'ōpio i kēia kūkā a ho'olālā 'ana.

'O ka ma'amau, ho'onoho 'ia ke po'o o ka Ho'olaule'a e kekahi e ke aupuni, wahi a Ms. de Silva. Ho'onoho 'ia ia kanaka nei e ke aupuni a uku 'ia nō e ke aupuni kekahi. Ho'omau 'o ia i ka ho'opuka mana'o no nā 'āina 'ē a'e a no ka loa'a o ia po'o nei i ka pilina maika'i i ka po'e a me nā honua o ia 'āina nei a hoihoi 'o ia e 'ike inā he kanaka ma Hawai'i i hiki ke 'auamo i ia 'ano kuleana.

Wahi a ka Lunamaka'āinana Onishi, pono ke Komikina e nānā hou i ka mo'ohelu kālā a hāpai 'o ia i ka mana'o e kūkulu 'ia kekahi mau mo'ohelu kālā kiko'i no ka hana e ho'okō ai a me ka nui kālā e pono ai ia mau mea. A i kēia, 'a'ole i ho'opa'a 'ia kekahi 'ano pahuhopu no ka ho'oulu kālā kekahi e ke Komikina. I ko Ms. de Silva mana'o, he kūpono ka loa'a o ka 'elele aupuni ma kēia ho'oholo 'ana. Hāpai a'ela ka Lunamaka'āinana Onishi i ka mana'o e ho'onoho 'ia ke po'o mai loko mai o DBEDT no ke ko'iko'i loa o kēia Ho'olaule'a nei a me kona puka lanakila. Kū'ē 'o ia i ka mana'o e ho'onoho 'ia kekahi 'elele no waho o ke aupuni 'oiāi no ke aupuni nō ia

kuleana e maka'ala kūpono i ka Ho'olaule'a. 'O ka ma'amau, 'a'ole e ho'okumu 'ia kēia 'ano kūlana hana e ke aupuni, eia na'e, 'o ka 'oia'i'o, 'a'ole mālama pinepine pū 'ia kēia 'ano hanana nui, no laila, he mea kūikawā kēia e no'ono'o ai ma ka ho'oholo pono 'ana.

E ho'opa'a ana ka Luna Ho'omalua Ka'anā'anā i kāmua o ka mo'ohelu kālā ma mua o kekahi hālāwai ma ke 'ano he lā'ana e ho'omohala hou ai. Makemake pū 'o ia e ho'okomo 'ia ka 'ikepili hou aku no ke noi kālā maiā ANA ma ka ia papahana hālāwai a me kekahi wā e ho'i hou i ka mana'o e hana like me AmeriCorps VISTA. E hālāwai pū ana 'o ia me ke Kikowaena Hikina-Komohana e 'imi i nā kumuwaiwai hou aku i hiki ke kāko'o i kā lākou ma ke Komikina ma ka 'ao'ao moku'āina. Makemake pū ka Luna Ho'omalua i ka SFCA e hō'ike i ke Komikina i kā lākou hana i hiki i ke Komikina ke ho'oholo inā he kūpono ko lākou kāko'o 'ana, keu ho'i ma ka 'ao'ao kākau noi kālā.

Wehewehe 'o Ms. de Silva i ka wehe 'ia o ka wā noi no ANA a e mālama 'ia ana kekahi wā a'o i kēia pule a'e. 'O ka lā palena pau no ke kāinoa 'ana, 'o ia ka pau 'ana o Iune a i 'ole ma ka ho'omaka 'ana o Iulai.

Nīele aku ka Luna Ho'omalua Ka'anā'anā iā Mr. McComber i kona pilina me CPAC a me nā polokalamu Alaka'i 'Ōpio a inā ua hiki paha iā ia ke 'ohi i nā inoa o nā hui 'elele i hoihoi paha i kēia hana. Ho'omaopopo 'o Ms. de Silva no ka hiki 'ole ke ho'oholomua i kēia noi a i ka ho'ouna kūhelu 'ia o ka leka kono i nā lāhui 'ē a'e. Hō'ike pū 'o ia no ke kū 'elele like 'ana o nā 'elele o ka 'aha kūkā ma ko lākou mau hui 'elele pono'i kekahi. No laila, 'o nā mea ka'a launa ke kūpono e noi i ia 'ano papa inoa.

Hoihoi ka Luna Ho'omalua Ka'anā'anā e 'ike i kekahi papa inoa o nā po'o o kēlā me kēia hui 'elele i hiki ke ho'oholo 'ia inā he kūpono ke kono 'ana o ke Komikina i nā 'elele e ho'olauna iā lākou iho i ke Komikina. He kōkua kēia i ke Komikina ma ka 'ike 'ana i nā 'āina a lāhui 'ē a'e, apwa. Ho'omaopopo hou 'o Ms. de Silva i ke kūpono o ka ho'olālā 'ana me nā mea ka'a launa. Hō'ike 'o ia no ka ho'opuka 'ia o ka SPC e wehewehe 'ana i ke 'ano kūpono e launa ai me nā kānaka a puni ka Pākīpika. E ho'ouna 'o ia i kope iā Ms. Sanders a me Mr. Casson-Fisher. Makemake ka Luna Ho'omalua Ka'anā'anā e ho'oikaika i ka ho'oka'a'ike ma waena o nā lāhui 'ē a'e me ke Komikina. Hō'ike 'o Ms. de Silva i kona hiki ke ho'opa'a i kahi papa manawa no nā makahiki 'elua a 'ekolu paha e hiki mai ana, eia na'e, 'o ke alaina nui loa, 'o ia ho'i ka 'imi i ka pane leka uila. Kali ka hapanui o ka po'e a i ka minuke hope loa e pane. No laila, kāko'o 'o ia i ka mana'o e ho'oikaika i nā pilina pilikino.

'ŌLELO HŌ'IKE A KA LEHULEHU

Wehe ka Luna Ho'omalua Ka'anā'anā i ke kūkā i ka lehulehu e hāpai mana'o.

Ho'omana'o 'o Ms. Ahn i nā Lālā Komikina e hō'ā i nā mikini pa'i wikiō ke komo i ka hālāwai. Inā pono kekahi Lālā Komikina e ha'alele i ka hālāwai, pono 'o ia e ho'omaopopo i ka po'e i 'ike lākou no ko ia Lālā Komikina ha'alele 'ana.

KA HO'OPA'A HĀLĀWAI - MEI 3, 2021

Ho'opa'a ka Luna Ho'omalua Ka'anā'anā i kahi hālāwai no ka lā 3 o Mei, makahiki 2021 ma ka hola 2:30'aiu.

Mo'olelo Hālāwai o ke Kōmike no ka Ho'olaule'a No'eau A Mo'omeheu Pākīpika 13
Pō'akahi, 19 'Apelila, 2021 hola 2:30'aiu ma o ka ZOOM
'Ao'ao 7 o 7

HO'OKU'U


Kūkala akula ka Luna Ho'omalua Ka'anā'anā no ka mālama 'ia o ka hanana 'o Hawaiian Airlines May Day: Māka'ika'i 2021, a he mea kāko'o ho'i ka HTA. Hō'ike 'o ia no kā ka Hālau Mohala 'Ilima komo 'ana i kēia papahana nei me nā hui a kānaka kaulana 'ē a'e. E ho'olele 'ia ana ka papahana ma ka lā mua o Mei ma KGMB, Facebook Live a ma KFVE. Paipai 'o ia i ka po'e e komo i ka lei, e kui/haku lei a e hā'awi aku i ka lei ma ka Lā Mei.

Ms. Salā mentioned that the City and County of Honolulu will be attempting to make the longest lei and beat India's record. The City and County of Honolulu is also a sponsor of the "Hawaiian Airlines May Day: Māka'ika'i 2021" event.

Ha'i 'o Ms. Salā i ka po'e no ko Ke Kūlanakauhale a Kalana o Honolulu 'imi ana e kui i lei a eo ma luna o ko 'Inia lei lō'ihiloa. He mea kāko'o pū Ke Kūlanakauhale a Kalana o Honolulu i ka hanana 'o "Hawaiian Airlines May Day: Māka'ika'i 2021."

Ho'oku'u ka Luna Ho'omalua Ka'anā'anā i ka hālāwai ma ka hola 3:16'aiu.

Me ka 'oia'i'o,



Kalani Ka'anā'anā
Chair

04/30/2021

Date